

FEBRICOL-RX TABLET

Paracetamol/Chlorpheniramine maleate/Phenylephrine hydrochloride (500mg/2mg/5mg)

Apakah yang ada pada risalah ini

1. Apakah kegunaan Febricol-Rx
2. Bagaimana Febricol-Rx berfungsi
3. Sebelum menggunakan Febricol-Rx
4. Cara menggunakan Febricol-Rx
5. Semasa menggunakan Febricol-Rx
6. Kesan-kesan sampingan
7. Cara penyimpanan dan pelupusan Febricol-Rx
8. Maklumat lanjut
9. Pengilang dan Pemegang Pendaftaran Produk
10. Tarikh kemaskini RiMUP

Apakah kegunaan Febricol-Rx

Febricol-Rx digunakan untuk melegakan sakit kepala, sakit otot, demam, bersin, kesesakan hidung, gatal dan mata berair yang disebabkan selsema dan alahan rhinitis (radang pada membran mukus dalam hidung).

Bagaimana Febricol-Rx berfungsi

Paracetamol merawat sakit ringan dan mengurangkan demam dengan menghalang tindakan *prostaglandin* yang dihasilkan semasa keradangan.

Phenylephrine Hydrochloride digunakan untuk melegakan kesesakan hidung dengan menyempitkan saluran darah dalam hidung untuk mengurangkan pembengkakan dan kesesakan hidung.

Chlorpheniramine Maleate membantu mengurangkan rembesan dalam hidung dengan menghalang tindakan histamina, sejenis bahan semulajadi yang dihasilkan dalam badan semasa tindakbalas alergi.

Sebelum menggunakan Febricol-Rx

Bila tidak boleh menggunakan

Jangan gunakan Febricol-Rx jika anda:

- alah (hipersensitif) terhadap bahan-bahan yang terkandung dalam ubat ini.
- ingin menggunakannya pada kanak-kanak berusia di bawah 12 tahun.

Sebelum mula menggunakan

Sila beritahu doktor atau ahli farmasi sebelum menggunakan Febricol-Rx jika anda:

- mempunyai glaukoma (tekanan tinggi dalam mata).
- hamil atau merancang untuk hamil.
- sedang menyusukan anak atau merancang untuk menyusu.
- mengambil ubat lain yang mengandungi paracetamol.
- sedang mengambil ubat untuk kemurungan seperti MAOIs (monoamine oxidase inhibitors) atau dalam 2 minggu selepas tamat rawatan.

- mempunyai masalah jantung, hati, buah pinggang, atau metabolik seperti, tekanan darah tinggi, kandungan gula darah yang tinggi, kelenjar tiroid terlampau aktif.
- mengalami pembesaran prostat.

Jika mengambil ubat-ubat lain

Sila beritahu doktor atau ahli farmasi jika anda sedang atau kebelakangan ini mengambil ubat lain, termasuk sebarang ubat tanpa preskripsi.

Febricol-Rx Tablet mungkin berinteraksi dengan:

- *sympathomimetic* (decongestant, tricyclic antidepressant, appetite suppressants dan amphetamine-like psychostimulants)
- *monoamine oxidase inhibitors (MAOIs)*
- *bretylum, bethanidine, guanethidine*
- *deprisoquine, methyl dopa*
- α - dan β -adrenergic blocking agents

Cara menggunakan Febricol-Rx

Berapa banyak harus digunakan

Dewasa dan kanak-kanak berusia 12 tahun ke atas

- 1 – 2 tablet setiap 4 – 6 jam.
- Maksimum 8 tablet sehari.

Bila perlu digunakan

Sebaiknya diambil selepas makan.

Ikut arahan doktor atau ahli farmasi anda.

Berapa lama perlu digunakan

Berdasarkan preskripsi doktor atau ahli farmasi. Rujuk kepada doktor atau ahli farmasi sebelum mengambil ubat ini untuk tempoh masa yang lebih panjang.

Jika terlupa menggunakannya

Ambil dos yang terlepas sebaik sahaja anda teringat. Sekiranya sudah hampir masa untuk dos seterusnya, abaikan dos terlepas dan tunggu untuk mengambil dos seterusnya pada masa biasa. Jangan ambil dos berganda untuk menggantikan dos yang tertinggal.

Jika mengambil berlebihan (terlebih dos)

Hubungi doktor anda dengan segera atau pergi ke Jabatan Kecemasan hospital terdekat, jika terambil dos berlebihan. Ini perlu dilakukan walaupun tiada sebarang kesan keracunan atau rasa tidak selesa. Anda mungkin memerlukan perhatian perubatan segera.

Pengambilan dos berlebihan boleh mengakibatkan muntah-muntah, loya, lemah, denyutan jantung yang cepat,

tekanan darah tinggi, peluh berlebihan (*diaphoresis*), konvulsi dan hiperpireksia (peningkatan suhu badan yang abnormal).

Semasa menggunakan Febricol-Rx

Perkara yang perlu dilakukan

- Ambil ubat anda mengikut arahan doktor.
- Maklumkan kepada semua doktor, doktor gigi dan ahli farmasi yang merawat anda bahawa anda sedang menggunakan Febricol-Rx.
- Beritahu doktor anda dengan segera jika anda menjadi hamil semasa menggunakan ubat ini.
- Sentiasa cuci tangan sebelum mengambil ubat.
- Telan tablet bersama air dan cuba mengambilnya pada waktu yang sama setiap hari.

Perkara yang tidak boleh dilakukan

- Jangan berkongsi Febricol-Rx dengan sesiapa, walaupun mereka mempunyai simptom atau penyakit yang sama.
- Jangan kunyah tablet.
- Jangan ambil ubat ini tanpa preskripsi doktor atau ahli farmasi.

Perkara yang perlu diberi perhatian

- Ubat ini boleh menyebabkan mengantuk. Jika rasa mengantuk, jangan memandu atau mengendalikan mesin.
- Jangan minum minuman beralkohol atau mengambil ubat yang boleh menyebabkan kesan mengantuk semasa mengambil ubat ini.

Kesan-kesan sampingan

- Pening, keletihan.
- Pergerakan badan yang tidak terkawal dan bergetar.
- kegelisahan, keresahan, sukar tidur, kegemuruhan, keterujaan, kerengsaan, kekeliruan.
- Loya, muntah, cirit-birit atau sakit gastrik.
- Mulut kering, rembesan mukus yang tebal, sesak dada.
- Penglihatan kabur.
- Kesukaran untuk kencing bagi lelaki yang mengalami pembesaran prostat.
- Sembelit.
- Denyutan jantung tidak normal
- Tekanan darah tinggi.

Ini bukan senarai kesan sampingan yang lengkap. Dapatkan rawatan perubatan dengan segera jika anda mengalami sebarang kesan sampingan atau masalah alahan.

FEBRICOL-RX TABLET

Paracetamol/Chlorpheniramine maleate/Phenylephrine hydrochloride (500mg/2mg/5mg)

Anda boleh melaporkan sebarang kesan sampingan atau kesan advers ubat kepada Pusat Pemantauan Kesan Advers Ubat Kebangsaan melalui No. Tel: 03-85535550, atau lawan web portal.bpfk.gov.my

(Consumers → Reporting)

Cara penyimpanan dan pelupusan Febricol-Rx

Penyimpanan

Simpan di bawah 30°C.

Jauhi dari kanak-kanak.

Jangan ambil ubat ini selepas tarikh luput.

Pelupusan

Ubat-ubatan tidak harus dilupuskan melalui air buangan atau sisa isi rumah. Sila rujuk kepada ahli farmasi anda mengenai cara yang betul untuk melupuskan ubat yang tidak diperlukan lagi. Langkah-langkah ini dapat membantu melindungi alam sekitar.

Maklumat lanjut

Rupa dan warna produk

Tablet berwarna hijau muda, berbentuk bulat, bertepi serong, dicetak timbul dengan logo pada satu permukaan dan garis pemisah pada satu belah yang lain.

Bahan-bahan kandungan

Bahan-bahan aktif

Paracetamol, Phenylephrine Hydrochloride dan Chlorpheniramine Maleate.

Bahan-bahan tidak aktif

Quinoline Yellow, FDC Blue, Cellulose, Pregelatinised Starch, Povidone K-30 dan Stearic Acid.

Nombor MAL

MAL10063012A

Pengilang dan Pemegang Pendaftaran Produk

Xepa-Soul Pattinson (Malaysia) Sdn Bhd
1-5 Cheng Industrial Estate,
75250 Melaka, Malaysia.

Tarikh kemaskini RiMUP

18 Ogos 2015

Nombor Siri

BPFK(R4/1)180815/00256